

續修寧羌州志

卷四



藝文

漢

為曹洪與魏太子書

節錄

陳

琳

漢中地形實有險固四嶽三塗皆不及也彼

謂張魯

有

過之若駭鯨之決細網奔兕之觸魯縞未足以喻其

易雖云王者之師有征無戰不義而強古人常有故

唐虞之世蠻夷猾夏周宣之盛亦讐大邦詩書歎載

言其難也斯皆憑阻恃遠故使其然是以察茲地勢

寧羌州志

卷四

藝文

一

謂為中材處之殆難倉卒來命陳彼妖惑之罪叙王
師曠蕩之德豈不信然是夏殷所以喪苗扈所以斃
我之所以克彼之所以敗也不然商周何以不敵哉
昔鬼方聾昧崇虎讒凶殷辛暴虐三者皆下科也然
高宗有三年之征文王有退修之軍盟津有再駕之
役然後殪戎勝殷有此武功未有星流景集飈奮霆
擊長驅山河朝至暮捷若今者也由此觀之彼固不
逮下愚則中材之守不然明矣在中才則謂不然而
來示乃以為彼之惡稔雖有孫田墨翟猶無所救竊

又疑焉何者古之用兵敵國雖亂尙有賢人則不伐
也是故三仁未去武王還師宮音在虞晉不加戎季
梁猶在強楚挫謀至衆賢奔紂三國爲墟明其無道
有人猶可救也且夫墨子之守滎帶爲垣高不可登
折箸爲械堅不可入若乃距陽平據石門據八陳之
列騁奔牛之權焉肯土崩魚爛哉設令守無巧拙皆
可攀附則公輸已陵宋城樂毅已拔卽墨矣墨翟之
術何稱田單之智何貴老夫不敏未之前聞

文帝序
曰上平

定漢中族父都護還書與余盛稱彼方
土地形勢觀其辭如陳孔璋所叙爲也

寧羌州志

卷四

藝文

二

唐

改梁州爲興元府升洋州爲望州詔 陸 贄

自昔多虞順時而動古公避狄兆永祚於岐下高帝
徙蜀建雄圖於漢中王蹟所興子孫是奉覲遷居於
遐阻知致君之艱難矧天下爲家不常厥邑王者所
至四海會同崇號設都於是乎在朕遭罹寇難播越
梁岷烝庶煩於供億武徒勤於捍衛凡百執事各奉
厥司人皆競勸物以豐給嘉乃成績予懷不忘今大
憇已除京邑甫定將旋法駕展敬園陵眷於是邦復

我興運宜其崇大以示將來古者天子省方則問百
年邨百姓以頒慶賜以茂勲勞用宏布澤之恩式慰
來蘇之望宜改梁州爲興元府其署置官資望一切
與京兆河南府同南鄭縣陞爲赤縣諸縣並陞爲畿
縣見在州縣官各令終考秩至考滿日放選依本資
處分耆壽與板授五品官仍並賜緋先已賜緋並賜
紫典正等各賜勳五轉百姓除先減放稅錢外更給
復一年洋州宜升爲望州見任州官亦並令終考秩
並諸縣官等各減兩選無選可減者各加三階應山
南西道節度下將士除扈從迎駕已經改官者餘並
卽與甄叙嗚呼古先哲王東征西怨顧予不德重於
勤人撫心咎已良增愧歎宣示有衆明知朕懷

宋

龍門洞記

蘇在廷

自蜀至京四千餘里幾半天下自利至興行五百里
幾半蜀道自興三泉西行大道不能二里又自大道
南行支徑不能百步山舒水湧少焉突有若觀闕者
當其前迫而視之則龍門洞也其深七十三步廣半

之其兩傍石壁之嵌空突怒者若耳目鼻口鱗甲跟肘俱具其下皆石爲底水紋其上若鋪筍輦石墮其間若設俎豆其兩巖瘦木翠蔓附石草生葳蕤下覆若綴纓絡木蔓之間布水十道後先交映若垂冕旒水落石低其勢跳瀉與石相鬪若濺踏雪其聲鏘鳴與洞相應若響琴筑寒清邃幽殆非人境予不能盡名其狀蓋造物者專爲是瑰詭以聳世俗天地間一尤物也循洞南升石斷山分有土田甚沃有竹箭檜栢松栴雜他卉木甚茂野人居之若桃花源者少西

寧羌州志

卷四

藝文

四

而升不百步泉湧地中清冷滑甘委蛇東下及洞之額而落洞不知所出相傳有螭龍騰去擘巖掀麓而爲此也故以云水出洞中北合嘉陵大江深不可涉淳化間縣令錢侯泳始闢爲游宴之所橋於南北閣於下館於東亭榭臺圃於西以便遊者又南而升路益險山水益秀復得洞若重簷夏屋有石床甚古然以道惡絕無人游歲大旱取湫水輒應疑龍之所家以前洞爲門閭而此其堂奧予蜀人往來凡十數過過未嘗不遊遊未嘗不飲酒賦詩而去洞中水石草

木皆若舊識予同年友李侯請爲記予聞之山川無
知以人爲榮辱峴山雖卑以叔子而顯冉溪雖秀以
子厚而愚今茲洞之竒冠天下非得竒文無以稱夫
文人之過其下者相躡也而獨以屬愚何哉嗟夫靈
璧之石天下竒翫也蓋僅有巖穴處耳以其近於中
都故取重當世甚至一拳之微價累千金而彌不可
得其亦巧於効技也此洞豈特百倍於靈璧乃蒼然
獨秀於遠方不效技於王公貴人之前徒爲田夫漁
父之所簡賤高人逸士之所耽翫蓋其拙有類予者
寧羌州志

卷四

藝文

五

予與舊識而辱之以予文不知山靈尚許之否
明

禹王廟記

舒鵬翼

嶓冢山禹王廟成漢中府倅張侯良知寧羌州守蕭
君遇祥書來請予記予惟古聖賢之在當時有大功
德於民者皆得立廟祀之朝廷履道建中盡倫定制
毀淫翼正靡神不宗夏后氏紹堯舜精一之傳開子
孫帝王繼續之統五帝讓功三王推德可千萬世祀
之迺於大歷服之

句有訛誤
存俟查校

九年詔有司立廟京師

奠玉鬯牛遣官攝祭載登法典與祚相承若茲廟也
予過屢矣南去州百里許東去府二百里許鳥跡獸
蹄通於官道歲時伏臘疇薦蘋蘩雖不建可也張侯
書云禹都安邑安邑有廟崩於會稽會稽有廟惟是
嶧嶧漢江發源禹實經焉廟何可廢蕭守書云鼈靈
治蜀水蜀人祀之西門豹治鄴鄴人祀之惟是嶧嶧
故祠遺址禹實妥焉祀惡得乏乎予憮然喟曰昔眉
山蘇軾撰韓昌黎廟碑謂公之神如水之在地中鑿
井得泉豈顯在是則夫觀河興思探穴增感所從來
寧羌州志

卷四

藝文

六

以功不成廼手足胼胝居外十三年過門不敢入生
啟不得子惡衣菲食陸行乘車水行乘船泥行乘橇
山行乘欂惟日孳孳排決濬滄弗遑寧處禹可謂孝
矣方其隨山刊木鬼神龍蛇護惜巢穴作爲妖恠風
沙晝暝迷失道路禹乃仰望咨嗟俄見上帝授以太
上先天呼召萬靈之書且令其臣狂章虞餘黃魔太
醫庚辰童律爲之助由是能呼吸風雷役使神物得
竟開鑿之志禹可謂神矣四隩旣宅九州攸同稷得
以播百穀契得以敷五教垂得以司百工臯陶得以

寧羌州志

卷四

藝文

七

明五刑伯彛得以典三禮后夔得以正五音龍得以
至賓任土作貢勞而不伐禹可謂功矣是故天錫洪
範舜禪帝位致彛倫之攸叙會諸侯於塗山而下民
底定萬世永賴孔子曰禹盡力乎溝洫吾無間然矣
劉定公曰洪水橫流微禹吾其魚乎嗚呼禹之功史
雖載之而不知其由於孝禹之智人能言之而不知
其由於神合智與神謂之聖合功與孝謂之德德且
聖庶幾其記禹哉復作九歌俾士人誦之以侑饗祀
歌曰泮水儼堯兮汜濫國中四岳薦禹兮俾爲司空

禹治水兮注之東方拯橫流兮爲民粒食言乘四載
兮勞身焦思克蓋前愆兮萬世之利聲爲律兮身爲
度其言可信兮其仁可附庶土交正兮底慎財賦不
自滿假兮拜昌言聲教訖兮奠黎元水土平兮生齒
繁洛出書兮錫九疇通九道兮開九州疊疊穆穆兮
六府孔修娶塗山兮辛壬啟呱呱兮何心荒度土功
兮五服弼成應歷數兮帝命赫泣罪人兮痛自責舞
干羽兮有苗格輯五瑞兮建皇極朝玉帛兮會萬國
戮防風氏兮明黜陟宅百揆兮股肱良敷文命兮庶
寧羌州志

卷四

藝文

八

事康於堯舜兮大耿光

皇清

金牛峽賦

劉 棨

伊維鴻蒙旣闢兩儀判形山谷異位高下殊情或峻
極於霄漢或深入乎宵冥或險而有鳥道之號或邃
而有鬼窟之稱幽潛沉鬱突兀崢嶸固職方氏不能
窮其數山海經不能悉其名者也若夫聳削壁立崎
削天然隱蔽日月吞吐雲煙盡乾坤之奧妙成宇宙
之大觀孰如金牛峽之險亘古今而無前以彼峽峙

兩山中通一線危石巉巖魂搖目眩仰視則長空如
帶驚翠巒之欲合環顧則崇墉如削疑赤壁之五見
哀行人兮地底羨松根兮天半極世境之酷烈兮已
令人却步而思返又誰爲設此永巷兮長逶迤而不
斷當其一天霽色萬里晴光亭亭日午倏爾輝煌撫
清暉兮載路思白晝兮正長猶得挹景物以流連任
緩步而徜徉若乃重陰凝閉四野同雲蒼烟大霧沒
頂連根飛鳥悲鳴而逐伴哀猿長嘯以覓群寂寞兮
中道迢遞兮前村一舉足兮顛越一回望兮迷昏且

寧羌州志

卷四

藝文

九

爲歷崎嶇而上下縱呼籲兮難聞至其方幸出谷旋
驚呀巘羊腸迂迴龍門悠遠摩石蹬兮峻嶒俯谿谷
兮危棧乍屈乍伸或仰或俛急賈勇之弗遑敢屏息
而定喘李白所以興嗟於上天之難而何有於九折
之坂是蓋帝眷王公險設重門一夫當關萬夫逡巡
疇有德而當興遂授此凌霄之城闈卽在大禹疏鑿
四乘八載胼胝經營導河濬海亦不能假神聖之威
靈俾岡巒之頓改維彼五丁其力伊何乃揮巨斧手
劈嵯峨挾此移山平險之能若使之束甲而橫戈應

無難取秦人之疆域而爲蜀氏之山河區區石牛糞
金有幾乃以開山勤勞壯士卒啟釁而招亂致隕滅
其宗祀是固可爲貪得者之炯戒而蜀人之愚諒不
至此吁嗟乎財役身賤利令智昏古今同慨豈惟蜀
人顧此關隘之危峻兮宜乎人之停驂而迴輪奈何
往來者之紛紛兮且如雨而如雲倘石牛在於今日
兮或不惜過往而宵奔安可以舉世之通病兮獨諳
讓乎蜀人

讀律蠡言序

王 彥

寧羌州志

卷四

藝文

十

吏治之難不難於用律而難於讀律亦不難於讀律
而難於通律古越宣翁茅先生者鹿門之嫡派也讀
書明理尤長於刑名之學屢經蓮幕寓忠厚於刑罰
運刀筆以春風凡由越地歷三吳間俱與東君爲忘
形交豈嘗有聲氣之投哉無他經術湛深而律例之
條晰也歲庚辰余奉

命詣浙補官時寓宣翁宅先生出所撰讀律論示之而

顏曰蠡言是謙云以蠡測海之意也余細釋之乃歎
宣翁真熟習乎律意而不恣憑旁通乎例意以爲印

証要於天理國法人情三者推究焉以探乎律之源
變通焉以濬乎律之流如八議六贓七殺辨貴賤親
疎首從之等同條不必共貫岐途或可類推八字之
義判於毫釐千里而情罪務期相當斟酌不失分寸
其言簡而明其意該而洽舉

本朝所監於前代者無不稔知灼見奏刀砉然真如老
吏斷獄不煩言而已解是在讀律者先博學於全部
而後約之以此篇庶援引的當無枉無縱造福於生
人者卽其造福於子孫者也觀乎宣翁之一堂四世

寧羌州志

卷四

讀律蠶言序

十一

蘭桂齊芳可想見矣余故讀書不讀律者見撮要之
論頓開茅塞不禁奮然興起欲公同好而忘其謏陋
以爲之序

按此文與卓羌無涉而作者係寧羌名進士且其論明通有關吏治故附錄于編

詩

唐

龍門山

沈佺期

龍門非禹鑿詭恠乃天工西南出巴峽不與衆山同
長竇亘五里宛轉復嵌空伏濡响潛石瀑水生輪風
流水無晝夜噴薄龍門中潭河勢不測藻葩垂彩虹
我行當季月煙景共春融江關勤亦甚巘嶂意難窮
誓將息幾事鍊藥此山東

三泉

蘇頌

寧羌州志

卷四

詩

十一

三月松作花春行日漸賒竹障山鳥路藤蔓野人家
壁石飛泉下尋雲絕磴斜明珠常泛白徹底靜無加
送楊長史人川
王維

褒斜不容噫之子去何之鳥道一千里猿聲十二時
官橋祭酒客山木女郎祠別後同明月君應聽子規

龍門閣

杜甫

清江下龍門絕壁無尺土長風駕高浪浩浩自太古
危塗中縈盤仰望垂綫縷滑石欹誰鑿浮梁裊相拄
目眩隕襍花頭風吹過雨百年不敢料一墜那得取

飽聞經瞿塘足見度大庾終身歷艱險恐懼從此數

飛仙閣

杜甫

土門山行窄微徑緣秋毫棧雲闌于峻梯石結構牢
萬壑歛疎林積陰帶奔濤寒日外淡泊長風中怒號
歇鞍在谷底始覺所歷高往來襍坐卧人馬同疲勞
浮生有定分饑飽豈可逃嘆息謂妻子我何隨汝曹

聽嘉陵江水

杜甫

鑿崖泄奔湍古稱神禹跡夜喧山門店獨宿不安席
水性自云靜石中本無聲如何兩相激雷轉空山驚
寧羌州志

卷四

詩

三

咏嘉陵江

薛逢

借問嘉陵江水湄百川東去爾西之但教清淺源流
在一路朝宗會有期

行至金牛驛寄興元渤海尚書 李商隱

樓上春雲水底天五雲章色破巴箋諸生箇箇王公
柳從事人人庾杲蓮六曲屏風江雨急九枝燈檠夜
珠圓深慚走馬金牛路驟和陳王白玉篇

興州江館

李商隱

向蜀還秦計未成寒蛩一夜透窻鳴愁眠不穩孤燈

盡坐聽嘉陵江水聲

宋

次韻張季長題龍洞

陸游

我昔謁紫皇，翳鳳驂虬龍。俯不見塵世，浩浩萬里空。
謫墮尚遠遊，忽到漢始封。西望接蜀道，北顧連秦中。
壯哉形勢區，有此蜿蜒宮。雷霆自鞶鞶，環珞亦璁瓏。
石屋如建章，萬戶交通來者各有得。盡取知無從，
憑高三嘆息。自古幾英雄，老我文字衰。揮毫看諸公，

曉發金牛

陸游

寧羌州志

卷四

詩

十四

客枕何時穩，匆匆又束裝。快晴生馬影，新暝拆花房。
沮水春流綠，嶓山曉色蒼。阿瞞狼狽地，千古有遺傷。
大安病留半日，王守復來招不往。送酒解醒因

小飲江月館

陸游

江驛春醒半日留，更頻送酒爲扶頭。柳花漠漠嘉陵
岸，別是天涯一段愁。

龍門

趙抃

盡道群山甚，可人更逢佳處。愈難名，初疑谷口連雲
掩。入見天心滿，洞明怪石嶙嶙。崢嶸虎豹飛，泉落落碎

瑶瓊巍峩別有神仙路又得攀躋向上行

明

漢江源

薛瑄

巨峽自天開峨峨嶓嶓來迴還幽谷底清淺漢江源

泉古通元氣根深徹后坤朝宗東去意應不廢晨昏

灰元古韻不通文清
此詩通用未知所本

金牛峽

薛瑄

巨峽三千里天開幾萬年泉飛林杪雨雲合管中天

一水橋頻度層崖石亂懸梁州舊禹跡謬矣五丁傳

寧羌州志

卷四

詩

十五

其二

昔自稱天險如何鑿得開五丁隨石下萬甲捲塵來

利害歲相伏興亡數所催于今成往事過客且徘徊

出連雲棧

楊慎

入關秦地盡出棧蜀山長樹迴雲隨馬溪迴石作梁

鶯花春未老湖海路初償不盡平生意先看是廟廊

金牛峽

向鐘

劍閣西南第一關千年雄鎮萬重山地連雲窟晴猶

濕路遶陰崕暑亦寒幽鳥向人鳴古樹落花凝露點

征鞍郵亭駐節追思處丹桂秋高取次攀

沔縣抵寧羌

伍福

驛騎曉驅馳長途涉修阻行窮漢水源望入蜀門樹
連延白馬氏控扼金牛戍開山說五丁駐蹕憶先王
巨峽留奇蹤荒榛遺舊壘怪石如轟刀怒瀑疑震鼓
盤渦隱蛟龍巖穴棲豹虎橋架巖嶮崖泥滑曉嶠路
經行老稚愁馱載騾驢苦咫尺限秦封尋常兼蜀語
地瘠少桑麻人瘦係風土鋤山力倍勞讀書質尤魯
胯刀腰曷離竹籠背恒負木剗制盆孟桑剡事弓弩
寧羌州志卷四詩十六

柴爨作垣墻茅苫啟門戶家無白哲郎閨鮮朱顏婦
繁華昧生平質朴如太古昇平際此時安養得共所
居山性自醇觀風我親覩雖云地勢偏允矣王化溥
行行至寧羌煙鎖斜陽暮

金牛峽

陳昌言

千山落木下寒烟絕塞還疑蜀道偏暝色危旌搖嶺
月沉沙衰草擁巒天身經百戰投戈後路入千盤叱
馭前莫向玉關頻涕淚隴雲秦樹總堪憐

飛仙閣

陳昌言

高山多虎熊行者夜不止上有飛昇人云是赤松子

陽平

陳昌言

蘿衣明月上山高風不來嘉陵江水澗東望漢王臺

五丁峽

陳昌言

南望天五道空洞聞風響石上雙指紋或是巨靈掌

龍門洞

陳昌言

繫舟石門傍雙闕孤雲白風雷常晝起中有神龍宅

燕子河

陳昌言

燕燕化爲石飛破桃花色春風吹不休夢入烏衣國

寧光州志

卷四

詩

七

蓮花池

王一鳴

冒雨披衣渡鳳橋偶乘清興向雲霄風搖柳浪洲連
碧水漾荷英地湧潮綺席聲陳青玉案鈞天樂奏紫
鸞簫浮生到處情堪適胸次悠然景物饒

嘉陵風景

劉瓚

翠壁嵐光雨後鮮嵯峨如畫碧連天漁翁坐釣江邊
月販客舟浮水上仙官味一廉羨石芥民生三飯種
山田雨暘時若天邊惠願聽人歌大有年

武安八景

清溪環帶

陳攷

源發自箭竹嶺從南山轉城之西自是而北而東復與南接其形如帶之環繞也

一水潺湲徹底清千迴百折遶重城透迤恍許銀河轉環拱渾如玉帶橫日射晴波涵畫閣風飄寒氣襲天棚溶溶永護山垣固烽火無烟樂太平

滴水懸崖

謝愷

州城三十里崖高數丈有泉四時飛噴如雪

嚮應山谷

寧羌州志

卷四

詩

六

百級危峯倒玉巔碧流疑下九重天曉風吹去珠光落夜月飛來練影懸

前題

陳攷

怪石巉崖擁碧空雲邊倒掛玉玲瓏泉珠滴破苔痕綠霞錦烘成黛色紅月斧鑿開新洞府山靈幻出古崆峒行人仰視如懸蓋疑入層霄風雨中

古觀晨煙

謝愷

州東十里玉皇觀煙霧晨鎖亭午方開歲旱

有禱輒應

福地靈區古道懸巍巍宮觀翠微連等閒不露春消
息一抹寒烟鎖洞天

前題

陳孜

煙光浮動蕊珠宮回首扶桑日未紅暗逐曉風來縹
緲輕乘寒霧弄溟濛數聲鐘磬層峯外百尺樓臺翠
靄中豈是題詩丹嶂裏朝來竟被碧紗籠

天臺夜雨

陳孜

州東四十里山頂如臺勢凌霄漢烟霧朝晴
夜恒作雨

寧羌州志

卷四

詩

十九

山上烟雲作晚陰怪他風雨夜來深可憐孤館青燈
裡碎盡山鄉一片心

前題

陳昌言

山中夜雨多日落桃花暮相逢雙女郎忘却歸來路

丙穴嘉魚

謝愷

州南一百里秋冬魚藏穴中春夏時出味美
如鮓詩南有嘉魚傳云出沔南丙穴卽此

天開深穴漾清流一種名魚自在遊不是桃花春浪
暖魚人何處落金鈎

龍洞仙桃

謝愷

洞在州西一百五十里內有石像天生石橋
狀如龍流水入江傍生仙桃鮮妍甘美

名山隱隱傍仙家流水橫橋白日斜

一作曾聞
范叔麻

深洞

有龍恒作雨碧桃無主自開花

前題

陳孜

洞口桃花幾度新根含瑤島舊時春我來正值三千
歲摘向金盤獻紫宸

蟠嶽連雲

王一鳴

寧羌州志

卷四

詩

三

在金牛驛漾水所出禹貢蟠嶽導漾卽此山
高百仞萬木參天上有禹王祠

山勢孤高聳翠巒遙天凝望碧雲端飛流燕尾迢迢
落仄徑羊腸曲曲盤風送間花粘客袖烟橫石岸隱
漁竿飄飄我欲凌霄去一笑長空星斗寒

五丁涵照

陳孜

州北三十里中亘高嶺相傳爲五丁開山處
夕陽透入西崖色如金碧尙書甘爲霖題曰
仄徑盤雲

石峽懸崖聳九霄五丁鑿斷碧岩堯夕陽林外翻亭
小深谷雲邊驛路遙鴉背翻金投壘雁行橫字過
溪橋空山寂寂天將暝又落水輪掛碧條

集景二首

關名大半

起鳳蒼蒼落北城龍頭向日自分明天臺露冷凝仙
掌古觀煙籠隱樂聲月嶺孤懸青玉鏡冠山高聳紫
金纓三泉噴雪層岩上丙穴嘉魚舊有名

石鐘石鼓有遺音飛瀑噴泉響暮林玉帶波纏百雉
雨錦屏峯抱萬家村龜山瑞草占科甲龍洞仙桃自
寧羌州志卷四

詩

三

古今嶓冢漢源留禹廟五丁涵照客登臨

皇清

五丁峽

王士正

南窮石牛道崑崙下雲棧三日招我魂足踣目獨眩
豈知東蒼州耳目益竒變始過金牛驛樛葛已凌亂
漾水從北來劣足泛鳧舉頭嶓冢山峩冠倚天半
大哉神禹功從此導江漢漸入五丁峽譎詭駭聞見
斗壁何猙獰十萬磨大劍攢羅列交戟茫昧通一綫
亂水殷峽中鮫唇喜瀾汗仰眺絕圭景俯聆兢雷林

九鼎鑄神姦到此百憂患東方牧犢兒竟使蠶叢判
我行忽萬里風土異鄉縣身落大荒西終賴皇天眷
咄咄復何言艱虞一身賤

夜至黃壩驛短歌

王士正

氏道森沉十日雨石林冥冥斷行旅洪濤殷地四山
動百折盤渦際難語前有蝮蛇後豺虎鴻鵠哀號奮
毛羽吾生胡爲狎此曹命輕如毛爭一縷妻孥飄泊
寄京國欲歸不歸在何許鄉關迴首四千里縱有辛
苦誰告汝

寧羌州志

卷四

詩

三

女郎廟

王士正

朝過女郎道遙望女郎祠溪水疑環珮春山學黛眉
千林丹橘熟一徑碧苔滋日暮神靈雨西風滿桂旗
大安驛

王士正

犖确三泉縣坡陁一徑開江流沮口合風雨脊中來
漢相經營地氏王駕馭才西窮嶓冢盡節使亦雄哉

雨度五丁峽

王士正

徼外番王國荒荒巨峽侵龍居三洞秘熊館四時陰
管馬何年度金牛此路深五丁虛斧鑿愁絕畏登臨

寧羌州

王士正

逶遲辭北闕浩蕩賦西征天險金牛峽悲歌猛虎行
岷峨連雨氣沔漢走江聲三戶遺民少蕭條見廢城

寧羌夜雨

王士正

不信無晴日曾聞有漏天武都連夜雨巴子幾人船
山入氏中亂寒臨熨道偏荒城聞鼓角回首意茫然

棧道平歌爲賈膠侯尙書作

宋琬

君不見梁州之谷斜與褒中有棧道干雲霄仰手可
以捫東井下臨長江浩汗洶波濤大禹胼胝恐未到

寧羌州志

卷四

詩

三三

帝遣五丁開神壘巨靈運斧地維坼然後南通巴蜀
西羌髣虵盤縈紆六百里干廻萬曲緣秋毫懸車束
馬弗可以徑度飛騰絕壁愁猿狖漢家留侯真婦女
烈火一炬嗟徒勞噫嘻乎三秦之人因征戍軍書蠹
午如蝟毛銜枚荷戈戟轉粟窮脂膏估客爾何來萬
里競錐刀須臾失足幾千仞猛虎蝮蛇恣貪饕出險
醜酒始相賀燐燐鬼火聞呼號泰運開尙書來恩如
雨露威風雷一呼集奮錘再呼伐薪柴醇醑澆山萬
夫發坐看巉巖削盡爲平埃噫嘻乎益烈山澤四干

歲火攻莫救蒼生災昔也商旅魚貫行今也不憂狼
與豺昔也單車不得上今也康莊之途足以走連羣
棘童巴舞貢天府桃笙寶布輸叩嶼歌幽風擊土鼓
賈父之來何晚哉豐功奕奕垂萬禩經濟不數韋準
才中朝衮衣待公補璿璣在手平泰階西望劍閣高
崔巍側身欲徃空徘徊大書深刻告來世蛟龍岌業
磨青崖金穿石沔陵谷徙我公之功不與伏波銅柱
同塵埋

賈中丞名漢復平險爲夸因作歌以頌之歌勒於觀音礮崖石上

賈大司馬修棧歌

梁清寬

寧羌州志

卷四

詩

三

君不見棧道高去天尺五馬盡縮足人咸偃山前白
骨野火燐江岸積骸泣無主中丞巡邊心側然澹川
煉石何今古誰云天險不可移五丁曾爲施巨斧積
薪一炬石爲坼鑿既加如削腐隘者已濶岬者平
冠蓋利涉雜商賈昔日百里無人煙行役更多豺虎
苦中丞極意盡經營伐木成棟茅作宇鳳嶺鷄關似
坦途中夜酣憇爲安堵回車不用愁王陽開闢功足
補大禹吁嗟乎天下險阻寧止此人心巉巖難悉數
對面戈矛不可避翻手爲雲覆手雨吁嗟乎安得中

丞此大力盡平世間嶮巖之處長無迂以上二詩通論修棧且俱引五丁事故存之

梁州

呂履恒

蜀道天難上梁州路已遥岷嶓蟠扎戒江漢導南條落日七盤嶺晴天萬里橋獨留懷古意歌哭未能消

賈大司馬修棧咏

黨崇雅

憶昔崔嵬棧道難千峰環峙白雲端參差峻嶺迷高日俯仰重關枕急湍煉石誰能旋大造移山今喜闢奇觀羨君才力誠名世削盡懸崖路萬盤

寧羌州志

卷四

詩

五

嶓嶓連雲

黃 葵

漢水源頭出此山禹王西濬力躋攀嵯峨萬仞煙雲外迢遞三秦指顧間西望劍門烽火息東聞棧道虎符閑雲梯借與清修士穩步鵬程觀 聖顏

大安驛

鄭緒章

舊地三泉溯昔年凋殘破驛冷荒煙雲封熊館蠶叢暗雪壓龍門閣道懸巴子有船多激磴羌人恒業但燒田而今三戶遺民少滿目蒼涼一慨然

五丁關

鄭緒章

五丁關上碧雲寒百尺懸梯陟降難惡雨欲將龍耳
割看山不愛虎牙攢當年力士蠶叢判此日金牛驛
路寬禹版梁州通貢久浪傳合作子虛觀

嘉陵渡口卽景

周書

江干春旖旎晴快偶經過楊柳依山盡天桃夾岨多
酒帘分野色花擔出巘阿應有高人躅埋名隱薜蘿
由漢中至寧羌途中雜書所見得小詩八首

周有聲

桑柘陰陰綠樹參平田漠漠碧流涵秦關是處誇天

寧羌州志

卷四

詩

三六

險風物誰知有漢南

漢水東流繞郭斜清波遙接洞庭槎老夫可惜歸無
日倘泛輕舟易到家

已見鳴機婦職勤紡車新製又同分一時兒女還誇

說曾向中閨拜小君

謂嚴樂園
太守夫人

門裏喧喧雜誦聲村童相率效呶嚶兒時也抱殘書

本此境回頭似隔生

飛仙嶺路鬱孱顏丞相雄師駐此間大丙龍門誰識

得逢人先問定軍山

七盤徑仄走嶙峋山下飛泉激箭頻好作嘉陵江上
水莫將波浪恐行人

橋傾恰有樹臨水山斷剛逢路遶邨便乞營邱成畫
稿青天頂上我曾捫

他鄉風物見猶頻招隱淮南句尚新一笑故山非我
有不知猿鶴怨何人

至寧羌奉贈嚴樂園太守

陶澍

茱萸江上竹籬居記得兒時迓客車舊雨每懷天際
路春風曾讀別來書五丁峽裏新通屐二酉山前小
寧羌州志卷四

詩

三七

結廬猶有同舟佳詠在剪燈重爲付抄胥

大安驛

張問陶

地敞三泉縣群峯繞畫屏煙浮樵爨白雨止稻畦青
樹色籠潭毒關名溪聲走鼉靈壯懷誰可說舉酒醉山
庭

大安阻雨

張問陶

雨氣千山黑溪流一夕黃關河人慄慄燈火晝茫茫
淫潦成風俗蛟鼉不遁藏生涯真濩落愁對武都羌
雨後過五丁峽

張問陶

一髮坼青冥蟻路何纖微我行新雨後耳目攢靈竒
蛟螭突兩崖牙角森鬣鬣懸流爭赴壑轟若萬馬嘶
疲驟盤澗底怒浪吞腰圍百指競推挽出沒浮鳧鷖
迴梯真暗踏肅肅如銜枚急瀑奔大石突兀來元龜
頓忘五丁峽恍惚穿巫夔雄關據山凹宛在水中坻
憑關招我魂彷彿聞子規那堪滴水巖南傾勢益危
石室嵌路側白日虬龍垂濤聲下千折人馬隨之歸
羣崖迸珠泉蒙頭飛散絲居然墮江海不復驚嶮巖
出峽聚牛宮僮僕紛燎衣舉酒息腰脚漸覺形神怡
寧羌州志

卷四 詩

三

衆險一朝盡吾生猶可爲轉頭失惡夢何事噫吁嚱

寧羌州

張問陶

不過金牛峽安知此路平亂峯猶簇擁數畝忽縱橫
柳暗魚鳧國花明羊鹿坪連朝山雨足時有叱牛聲

壬戌祠

在青羊驛祀水土之神

張問陶

石瘦新田薄泉香古澗清禹功留野祭羌俗重山耕
畫壁靈旗澹迎貓臘鼓輕遠遊畏飢渴逐處望秋成

熊介

茲題子已酉庚戌棧道詩有云搜盡山川竒

句出聽殘風雨客愁來二語沈雄可愛入棧後

時時誦之四月十七日宿大安驛作五律四章

奉懷

時介茲亦乞假
由常州歸廣西

張問陶

秦隴搜竒句重來苦未休山靈驚舊夢海氣接離愁
蜀鳥雲中樹蠻煙嶺外州還鄉皆萬里看月當同遊
口急當吳語詩愁近楚詞當筵常夢囈好內亦情癡
拜舞腰圍重招搖病態竒疎狂隨處見此意最相思
記否聯吟處松筠古佛前夢中憐百粵塵外話三川
對酒成今昔飛鴻忽後先輸君惟一事陽羨有新田
一點蘆溝月相隨又入關別君無百日知我度千山
寧羌州志

卷四

詩

三九

索米羌童小窺人木魅閒近知天上樂沈醉白雲間
四月十八日宿栢林驛枕上作 張問陶

四山圍住月黃昏猿鳥兒童聚一村燈逼氏羌疑鬼
蜮風騰牆壁鬧雞豚更無好夢來塵榻時有荒雲擁
店門却憶去年今日事瑤宮授簡拜 新恩

去歲四
月十八

日 圓明
圓覆試

夜發大安驛趨黃壩

張問陶

燈火穿林夜悄然馬蹄歷亂渡三泉秦人何苦通巴
蜀萬古青山哭杜鵑

亂山還要五丁開攬轡如登百丈臺猶有雞聲催曉
月破空飛雨忽東來
行盡氐羌更百蠻鄉雲明日七盤關西師可抵歸人
勇風雨兼程十萬山

入七盤關宿轉斗鋪卽事

張問陶

入關才笑子規聲便有鄉人識姓名歸路可憐山亦
好來時曾記雪無情煙霞跌宕知何日婚宦流連慣
遠征此去若逢嚴僕射浣花溪上小經營

竹磴

張問陶

寧羌州志 卷四 詩

三

訛黑山人屐零星野戍花數峯迎面直一逕繞天斜
看竹宜塵外穿林忽水涯今宵沾酒處燒笋定誰家
嚴樂園廉訪楊崇峰方伯相繼守漢中時各有
經濟才華澤周閭而廉訪以勸農爲首教方
伯以勸桑裕民生至今窮鄉僻壤莫不頌德歌
功武都蕞爾地不惟農敦樸桑滿綠陰有時
因公下鄉見夫野老紳耆或豆棚秋話或茅舍
夜談咸稱家有聚糧野無曠土皆賴兩太守教
養殊恩緣編附篇未使後蒞斯土者奉爲繩墨

民生在勤儉山農愚不知凶荒實可畏聽我諭農詞
南山古陸海地腴五種宜上農不須糞收穫多逢時
豐年荷天錫菽麥長離離種一收屢百堆積如梁茨
課輕國賦少荒墾佃租微以此賤嘉穀徃徃生淫思
燒鍋滿村落成群酣酒厄社火與影戲徹夜事遊嬉
或者呼盧梟一擲拊家貲又或爭牙角百金構訟辭
甚至飼猪豕蒸穀望速肥天物恣暴殄召殃夫何疑
况乃山土薄石骨本嶮巖三年爲沃壤五載已地皮
寧羌州志

卷四

詩

三

雨暘偶失節顆粒難預期平川人飽食山民傷阻饑
東鄰絕朝糗西家斷暮炊蕨根野蒿菜青汁流泥匙
稱貸向親友同病攢雙眉空腹不能耐鬻賣及妻兒
廻思歲方富肥甘供朶頤何知邁此閔柴立骨難支
先民崇淳樸儉者福之基文王西方伯田功服還車
舉耜四之日穡事孰敢遲男耕婦女馐胼胝不言疲
倉箱雖盈積服食並無糜餘三至餘九旱潦能撐持
有豐必有嗇當安常念危爾不勤與儉酸辛更怨誰
我軫爾民苦我憐爾民癡編此鄙俚語警誠比農師

願改侈情俗共躋唐魏詩

勸桑行

楊名颺

卒歲無衣怎樣好幽風自有蠶桑道綺羅豈是天孫
裁全在人工勤織造但匪箕星先降靈西陵元妃也
虛禱號寒雪夜空悲遲勸爾栽桑要及早下蟻滿連
不厭多祇愁秧種播來少盤條最愛春分嫩採甚須
知芒種老必待多錢購美田空空赤手向誰討路旁
牆下隨意插一片荒郊綠雲遶休說農功百日忙何
堪他務又纏繞不思種樹須臾事信手拈來春一杪

寧羌州志

卷四

詩

三

一杪春分辨不真三年忽見翠煙裊懿筐摘下置門
前榆莢銖銖俱是寶禾黍盈疇待雨濡偶爾愆期苗
則槁柔枝卻是耐寒暄花信一番青未了服賈牽牛
客異鄉杜鵑頻喚心懊惱看他十畝閑閑者攜取雙
柑聽黃鳥蒔竹養花徒費神青黃不接命奚保蠶纒
上簇葉增價未賣新絲腹已飽歲有常供賦莫逃食
租便得完糧草拔茶祇爲桑無稅戶外催科人不擾
諸葛遺留八百株子孫遂下無餓殍十家俱植三千
本杼柚可勝晝夜絞莫笑我言見效迂他時獲利纒

分晚清風兩袖攜不去餘蔭依然在林表

補遺詩

唐

石櫃閣

杜甫

季冬日已長山晚半天赤蜀道多早花江間饒奇石
石櫃曾波上臨虛蕩高壁清暉回群鷗暝色帶遠客
羈棲赴幽意感嘆向絕跡信甘孱孱嬰不獨凍餒迫
優游謝康樂放浪陶彭澤吾衰未自安謝爾性所適

題嘉陵驛

武元衡

寧羌州志

卷四

補遺詩

三

悠悠風旆繞山川山驛空濛雨似煙路半嘉陵頭已
白蜀門西上更青天

五代

放猿

仁裕從事漢中有獻小猿者憐其點慧育之名曰野實經年壯大跳躑為患繫紅綃

于頔題詩以送之

王仁裕

放爾丁寧復故林舊來行處好迨尋月明巫峽堪憐
靜路隔巴山莫厭深栖宿免勞青嶂夢躋攀應慳白
雲心三秋松子纍纍熟任抱高枝採不禁

遇所放猿作

仁裕罷職入蜀行次漢江壩嶧冢廡前見一巨猿舍群而前于道畔

古木間垂身下顧紅綃宛在以野賓呼之聲
聲如應立馬移時不覺悽然遂繼題一篇云

王仁裕

嶧冢祠前漢水濱飲猿連臂下嶙峋漸來子細窺行
客認得依稀是野賓月宿縱勞羈繼夢松餐非復稻
梁身數聲腸斷和雲叫識是前時舊主人

明

浣石舖

陳昌言

水鳴亂石中浣石如浣絮初平胡不來驅依群羊去

皇清

寧羌州志

卷四

補遺詩

三

飛仙嶺

李念茲

危樓轉山腹飛閣被崇巒旭日斜高照簷楹沃且丹
微徑循石脊曲折如蟲緣我行隨他人不得窮躋攀
憶昔出函谷方春捫玉蓮繫屐玉女峯酌酒天池邊
西顧雪嶺白東望滄溟寬萬里在胸臆夜宿青雲端
胡爲年齒暮反遭俗累牽妻子亦何人驅我數往還
誓歸斲黃精一食生羽翰

嘉陵秋漲

諸保育

何處聞風雨江流觸石聲終當到東海鯨背看潮生

烽燧傳來接帝京
焦心日日盼軍情
足間邱壑隨高下
胷次康莊自坦平
鴉翅寒聲秋半夜
馬頭殘夢月三更
雲飛棧閣旌旗捲
敢以身爲萬里城

跋

雲安張使君牧寧羌之三年嘗慨嘆夫山藪之民未知向化而訟獄不息獷悍不消也曰爲治莫先乎禮讓人人要在乎仁聲而教民成俗尤不外乎端其趨向勵其志行使有所遵率而觀摩則此邦之風土人

寧羌州志

卷四 跋

三五

情前言往事凡忠孝廉節之足資夫感發者如之何其使斯民茫然而不識也相傳前明王刺史齊東創纂州志已無可考盧刺史大謨續修者亦止存數頁未經刊刻成書使君廣爲蒐羅重加採訪大而天文分野山川疆域以至於一名一物之細一善一行之長無不臚列脩載使皆足信今而傳後夫以二百餘年之逸事其間爲前人創而未竟而又後人所不克踵而成之者使君獨能于簿書鞅掌之餘詳徵博引編集開雕使君之殫心著述實使君之銳

意移風易俗欲立見斯民之頑廉懦立以蒸蒸日上臻夫治也此邦之能讀是志者其亦當體使君爲民之志也夫

道光元默執徐相月既望門下掾吳特徵謹跋

寧羌州志

卷四

跋

美

勸於承澤薛翁昧民鴻星門下謝吳林端端刻
志也夫

夫欲出此派之新釐長志替其亦當體使君爲民

意移風易俗欲立見斯民之頑廉懦立以蒸蒸日上臻

